

Otsailaren 17an HAUSTERRE EGUNA

Agurra

Bihotz-berritzera dei egiten digun Jesu Kristoren grazia eta maitasuna zuekin.

Sarrerako oharpena

Garizuma hasten dugu gaurko Eukaristia honekin. Bertan hautsaren ezaugarriaren bidez gure bekataria izatea aitortuko dugu, eta Bataioaren bidea berreginez Pazkora gerturatu behar dugula onartuko dugu. Penitentzia-aldia eta Bataio-aldia badugu Garizuma, baina bereziki Pazkorako prestaera aldi dugu. Larunbat Santu gaez ospatuko dugun Pazko Gaubeila Santuari begira jartzen gara gaurtik. Han garbituko dira gaurko hautsaren bekatu-aztarnak. Han berrituko da gure Bataioko hitza. Han Kristo garaile agertuko da berriz heriotzaren gainetik bizia berrituz. Pazkoa dugu guk, hitz emandako lurra. Hara goaz, Israel-herri izaki, basamortuko bidea eginez.

Hautsaren ezaugarria egingo denez, ez da Damu-otoitzik egingo

Otoitza

**Lagun iezaiozu, Jauna, kristau-herriari
barau-egun honekin benetan bihotz-berritzeko bidea hasten,
penitentziaz indarturik,
gaiztakeri espirituaren aurkako ahaleginean garaile atera dadin.
Zure Seme Jesu Kristo gure Jaunaren bitartez,
Zurekin eta Espiritu Santuarekin batean
Jainko eta Errege bizi baita gizaldi eta gizaldietan.**

Hitzaren liturgiari oharpena

Garizumako jarrera berezia da, penitentzia eginez prestatzea. Pazkoan Kristoren heriotzaren lehenengo ondorioa: Jainkoarekin adiskidetzea gertatuko da, horretarako prestatzen ari gara.

Lehenengo irakurgaia (// 2, 12-18)

Joelen profezia liburutik

Orain, honela mintzo da Jauna:

«Itzul zaitezte Nigana bihotz-bihotzez,
barauz, negarrez eta doluz.

Urra itzazue bihotzak, ez soinekoak;
itzul zaitezte Jaunagana, zeuen Jainkoagana,
bihozbera eta errukitsua baita,
haserregaitza eta maitasun handikoa,
bere mehatxuez damutzen dena.

Agian atzera egin eta damutuko da,
eta bedeinkatuko zaituzte ostera,
labore- eta isur-oparia eskain diezaiozuen
Jaunari, zeuen Jainkoari.

Jo turuta Sionen, antolatu baraualdia, dei egin batzarrera;
bildu herria batzar santura,
bildu zaharrak, ekarri haurrak, baita bularrekoak ere.
Atera bedi senarra ezkongelatik, emaztea ezkon-ohetik.

Negar egin bezate atari eta aldare bitartean
apaizek, Jaunaren zerbitzariek.

Esan bezate: "Barka, Jauna, barkatu zeure herriari;
ez utzi lotsatan zeure ondarea,
ez dezatela menderatu atzerritarrek,
ez dezatela esan beste herriek:

Non dute, bada, beren Jainkoa?" »
 Bere lurraldearekiko maiteminez bete zen Jauna
 eta barkatu zion bere herriari.

Erantzun-salmoa (Sal/ 51 [50], 3-4. 5-6ab. 12-13. 14 eta 17)

Erruki nitaz, ene Jainko, zeure maitasunaz,
 suntsitu nire hobena zeure neurrigabe**ko** gupidaz.
 Garbi nazazu zeharo neure**re** errutik,
 garbitu neure **be**katutik. R/.

Aitortzen dut, bai, neure**re** hobena,
 begi aurrean dut etengabe neure **be**katua.
 Zure aurka, zure aurka bakarrik, egin dut bekatu, '
 zure begietan oker dena**a** egin dut.
 neure hobena beti begien aurre**re**an baitut. R/.

Ene Jainko, sortu bihotz gar**bia** nigan,
 berritu arnasa sendoa nire**re** barnean.
 Ez nazazu bota zeure**re** aurretik,
 ez kendu niri zeure arnasa**a** santua. R/.

Poztu nazazu berriro zeure **sal**bamenaz,
 sendo nazazu zeure arnasa **o**paroaz.
 Ireki, Jauna, nire**re** ezpainak,
 eta nire ahoak iragarriko du zure **go**resp^{er}ena. R/.

Bigarren irakurgaia (2 Ko 5, 20 – 6, 2)

San Paulo Apostoluak Korintoarrei egindako bigarren gutunetik

Senideok: Kristoren mandatari gara, eta gure bitartez Jainkoak berak erregutuko balizue bezala da. Kristoren izenean eskatzen dizuegu: adiskidetu zaitzte Jainkoarekin. Bekatuarekin zerikusirik izan ez zuen hura, Jainkoak gugatik bekatuarekin bat egin zuen, guk haren bitartez Jainkoaren salbamenaren iritsi genezan.

Jainkoaren lankide garenez gero, eskatzen dizuegu, ez dezazuela alferrik har haren onginahia. Izan ere, Jainkoak dio: «Onginahi-garaian entzun dizut, eta salbamen-egunean lagundu». Begira, beraz: oraintxe da onginahi-garaia, oraintxe salbamen-eguna.

Ebanjelio-aurreko gorapena (Ik. Sal 95 [94], 8a. 7d)

Je - su-kris- to gu - ri min-tza, ar - gi gu-re bi-ho - tza

Gaur, ez gogortu zuen **bi**hotza,
entzun Jaunaren **a**hotsa. R/.

Ebanjelioa (Mt 6, 1-6. 16-18)**Homiliarako argibideak**

Bihotz-berri zaitzte eta sinetsi berri ona

Gaurko irakurgaiak bihotz-berritzera gonbidatzen gaituzte, Pazkorantz bidean jartzera, bertan bizitza berriaren partaide egingo baikaitu Kristok.

a) Joelen garaian turuta-hotsa bezala, gaur Jainkoren Hitzaren eta Elizaren deiaren bidez entzuten dugu Garizumara, baraua egitera eta bihotz-berritzera egiten zaigun deia.

Kristau asko etsita bizi dira egungo egoeraren aurrean: fede falta, bokaziorik eza, Egiptoko izurriteen antzera oinarrizko giza- eta kristau-balioak goitik behera erortzen ikustea. Ba al dugu etorkizunik? Garizumak baietz erantzuten erakusten digu. Jainkoa ongian aberatsa eta errukiorra delako, beti barkatzeko eta aukera berriak emateko prest dagoelako. Eta pertsonak, lokartuak egonda ere, Espirituaren indarrak bultzatuta alda baitaitezke.

Horregatik pazko-bideari ekiteko deia egiten zaigu, gurutzea eta geure buruari uko egin beharra dituelako zaila den bidea. Geuregan, gizartean eta Elizan ondo ez dauden gauzak badirela aitortu behar dugu eta, beraz, aldaketa, bihotz berritzea, bide berriak urratzea beharrezkoa dela.

Ondoren egingo dugun hautsaren ezaugarriak, hautsa garela eta hautsetara itzuliko garela gogorarazten digu alde batetik, eta on da hori ez ahaztea. Eta bestalde, ezaugarri honen bidez Ebanjelioa gure bizi egitasmo dela aldarrikatzen dugu; Ebanjelioa dela Jesusen jarraitzaileen pentsatzeko, sentitzeko eta bizitzeko era.

b) Paulok Korintoko elkarteari egindako deia geure egiten dugu. Elizaren baitan jasotzen dugu hitz hori, Elizaren ministeritza nagusi baita adiskidetzearen zerbitzua: Jainkoak luzatzen digun eskua onartu behar dugu, Garizuma-Pazkoan eskaintzen zaigun adiskidetzearen aukera bikaina onartu ere.

On da Kristoren Pazkoa, garaipena eta barkamena geureganatzeko prestatzea: Adiskidetzearen Sakramentua ospatuz, Eukaristia gerturatuz, Kristorekin heriotzan eta Piztueran bat eginez.

c) Beharrezkoa dugu konturatzea, kanpoko ezaugarriak onak direla,

baina barruko bihotz-berritzea adierazten duten heinean. Jesusek aurkeztu dizkigu, bihotz-berritze horretarako hiru bideak.

Hurkoari dagokionez, harrokeriarik gabeko karitatea, maitasunean eta eskuzabaltasunean oinarritzen den solidaritza. Jainkoari begira, kanpoko hitz eta errito hutsetan geratzen ez den otoitza, bihotzetik datorrena. Geure buruari begira, barauak ematen digun neurria, bigarren mailako gauzak alde batera uztea, lehenengo mailakoei begirada sakonagoa ematen jakiteko.

Hori guztia –limosna, otoitza, baraua– ez dugu egiten inori arreta pizteko, egiaz eta sakontasunez besteei eta Jainkoari bihotza gehiago zabaltzeko baizik. Geure buruari begira ez bizitzeko. Barrua zabaldu ahala, geu egian hazteko.

Hautsaren ezaugarria

Apaizak, zutik eta eskuak bildurik dituela, esango du:

Senideok: egin diezaiogun otoitz Jainko Aitari, penitentziaren ezaugarri hartuko dugun errautsa bere grazia ugariz bedeinka dezan. *(Isilunea)*

**Oi Jainko, damutzen dena errukiz hartzen duzu
eta bihotz-berritzen dena Zeurekin adiskidetzen;
entzun aita-bihotzez zeure herriaren otoitza
eta isuri bedeinkapenaren + grazia
errautsa hartuko duten zeure seme-alaben gainera,
Garizumako bidea arretaz eginik
eta gogo-bihotzak eraberriturik,
zure Semearen pazko-misterioa ospatzera irits daitezen.
Errege bizi bait da gizaldi eta gizaldietan.**

Edota:

**Oi Jainko, ez duzu bekatarien heriotza nahi,
bihotz-berritzea baizik;
entzun bihotz onez gure otoitzak,
eta bedeinka + ezazu buruan ezarriko diguten errauts hau;
badakigu hauts garela eta hauts bihurtuko;
emaguzu, Garizumako egintzen bidez, bekatuen barkamena,
zure Seme piztuaren antzeko biziera berria irits dezagun.
Errege bizi baita gizaldi eta gizaldietan.**

Eta ur bedeinkatuz zirtatuko ditu errautsak, ezer esan gabe.

Gero denei batera esango die esaldi hauetakoren bat:

Bihotz-berri zaitetze eta sinetsi Berri Ona.

Edota:

Gogora zaitetz hautsa zarela eta hauts bihurtuko.

Ondoren jendeari buruan ipiniko dio hautsa isilik, ezer esan gabe.

Jainkoaren herriaren otoitza

Egin diezaiogun otoitz Guraso dugun Jainkoari:

Erantzuna: Kyrie, eleison!



Ky-ri-e, Ky-ri-e, e - lei-son! Ky-ri-e, Ky-ri-e, e - lei - son!

—Eliza bere kide guztiekin eta gizaki guztiekin bihotz oneko izan dadin. Egigun otoitz. R/.

—Agintariek, bigarren mailako gizakirik egon ez dadin lan egin dezaten. Egigun otoitz. R/.

—Sufrimendua eta zatiketa bizi duten familia guztien alde. Egigun otoitz. R/.

—Seme-alaba garela konturatuz, elkarren senideago izan gaitezen.
Egigun otoitz. R/.

Entzun, Jauna, gure otoitzak eta agertu zure errukia herri honengan,
Garizumako egun hauetan bihotzez bila zaitzagun eta konfiantzaz
itxaron. Jesu Kristo gure Jaunaren bitartez.

Prefazioa

Garizumako III. edota IV. prefazioak erabil daitezke (Meza liburua 326-327 orr.).

Jaunartze-ondorengo otoitza

**Hartu dugun sakramentuak, Jauna,
eragin diezagula Zuk atsegin duzun
eta guretzat osasungarri den baraua egitera.
Jesu Kristo gure Jaunaren bitartez.**

Herriaren gaineko otoitza eta bedeinkapena

Jauna zuekin. R/. Eta zure espirituarekin.

Makur zaitetzte, Jaunaren bedeinkapena hartzeko.

(Eskuak herriaren gain zabalik bedeinkapena esango du:)

**Oi Jainko, eman bihotz onez damu-espirtua
zure aurrean apalki makurtzen diren zure seme-alabei,
damutuei Zuk agindutako saria
zure errukiari esker irits dezagun.**

Jesu Kristo gure Jaunaren bitartez. R/. Amen.

**Bedeinka zaitzatela Jainko ahalguztidunak:
Aitak, eta Semeak, + eta Espiritu Santuak.** R/. Amen.

Zoazte Jaunaren bakean. R/. Eskerrak Jainkoari.